

'E quatt' e maggio

Versi e musica di A. GILL (M. TESTA)

I

E tenevo na bella putechella
 Ch'avevo fatto tanto p'accursà,
 Soglia 'e marmo, bancone, musticella,
 Nce asceva chellu poco pe campà.
 Ven' o patrone 'e casa
 Dice: a mesata è poca —
 Mettitece 'a si loca
 E 'un ne parlamme cchiù!
 E aggu lassato chella putechella,
 Speranno 'e ne trovà n'ata cchiù bella.
 Core fatte curaggio,
 Sta vita è nu passaggio,
 Facimmencillo chistu quatt' e maggio
 Che nce penzammo a ffa
 Si 'o munno accussi và!



II

E tenevo na bella casarella
 C' 'a stanz' e letto e cammera 'e mangià,
 Na cucina, nu muorz' e luggetella,
 Ne' eve fatt' o grillaggio pe l' està
 Arriva 'esattore
 Dice: a mesata è poca —
 — Mettitece 'a si loca
 E 'un ne parlamme cchiù;
 E agge lassato chella casarella,
 Speranne 'e ne trova n'ata cchiù bella
 Core fatte curaggio..
 Sta vita è nu passaggio,
 Facimmece 'o siconde quatt' e maggio
 Che nce penzammo a ffa
 Si 'o munno accussi và!

III

E tenevo na bella nammurata
 C'avevo fatto tanto p' 'a mparà...
 Ma che ssaccio ched' è l'hanno nciuciata
 Nun è cchiù chella ch' era 'n' anno fa,
 Primme 'na rosa semplica
 M' 'a faceva felice,
 Mò vò e brillante e dice
 Ca manche niente sò..
 E lo lasso jur' a essa e bonasera
 E me ne trov' a nata cchiù sincera.
 Core fatte curaggio,
 Sta vita è nu passaggio,
 Facimmece stu terzo quatt' e maggio
 Che nce penzammo a ffa
 Si 'o munno accussi và!

E proibito di adattare sulle Canzoni di proprietà dell'Autore A. Gill altri versi, che non sieno originali. Per i contravventori si procederà a norma di legge.

Proprietà dell'Autore per tutti i paesi

ARMANDO GILL (M. TESTA) - NAPOLI

Tutti i diritti di esecuzione, riproduzione, traduzione,

:: riduzione e trascrizione sono riservati. ::

Gustavo Testa

Per acquisti, rivendita, orchestrazioni delle Canzonette, Edizioni A. Gill rivolgersi alla Casa Editrice Edizioni Gill
 Rappresentante: GUSTAVO TESTA - S. Anna dei Lombardi, 45 - NAPOLI